



PRIJEDLOG

Broj: 01/1-02-1710/13
Ilijaš, 26. 09. 2013. godine

Z A P I S N I K

sa 11. (jedanaeste) sjednice Općinskog vijeća Ilijaš održane dana 26. 09. 2013. godine, sa početkom u 10h.

Jedanaestom sjednicom OV-a Ilijaš je predsjedavao predsjedavajući OV-a g-din Damir Filipović .

RB.	IME I PREZIME
	SDA
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	AMAR DOVADŽIJA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
	SDP
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
	SBB
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
	SAMOSTALNI VIJEĆNICI
18	EDHEM HASANOVIĆ
19	ASIM MUJIĆ
	STRANKA ZA SREDNJE
20	BESIM GLJIVA
21	AIDA MALIŠEVIĆ
	LDS
22	NIJAZ RASTODER
23	NIHAD BUČUK

	BPS
24	MUHAMED HANDŽIĆ
	SDU
25	DIZDAREVIĆ ENES

Prisutni gosti:

1. Semir Spahić - Radio Ilijaš
2. Mehmed Smajlović – Predsjednik Savjeta MZ Mrakovo

Ostali prisutni:

1. Akif Fazlić – općinski načelnik
2. Zdravko Barić – pomoćnik načelnika
3. Nijaz Spahić – pomoćnik načelnika
4. Meliha Avdibegović – pomoćnik načelnika
5. Merima Osmanović – pomoćnik načelnika
6. Sanja Zagorac-Jozić – pomoćnik načelnika
7. Hamida Muratović – šef odsjeka
8. Muvedeta Fazlić – šef odsjeka
9. Aida Čutura – stručni saradnik u Stručnoj službi općinskog vijeća i općinskog načelnika
10. Adha Masnopita – stručni saradnik u Službi za društvene djelatnosti.

Predsjedavajući je otvorio sjednicu i konstatovao da postoji kvorum za odlučivanje i dao na razmatranje zapisnik sa 10. sjednice OV-a Ilijaš.

Primjedbi na zapisnik nije bilo, pa je OV-e jednoglasno usvojilo zapisnik sa 10. sjednice.

Predsjedavajući je pročitao predloženi dnevni red.

Podsjetio je vijećnike da je takođe predložena dopuna dnevnog reda sa dvije tačke, i to:
 17. Izvještaj o realizaciji Manifestacije kulture, sporta i trgovine "Ilijaški dani 2013" i
 18. Prijedlog Odluke o utrošku dobiti Manifestacije kulture, sporta i trgovine "Ilijaški dani 2013".

Obzirom da nije bilo primjedbi na predloženi dnevni red, OV-e je jednoglasno usvojilo slijedeći

DNEVNI RED:

1. Vijećnička pitanja i inicijative
2. Izvještaj o realizaciji zaključaka sa 10. sjednice OV-a
3. Izvještaj o izvršenju Budžeta Općine Ilijaš za period 01. 01 - 30. 06. 2013. godine
4. Prijedlog izmjena i dopuna Budžeta Općine Ilijaš za 2013. godinu
5. Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2013/2014. godini
6. Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2013/2014. godini
7. Prijedlog Odluke o sufinansiranju projekta deminiranja Brezik 5
8. Prijedlog Odluke o prestanku statusa nepokretnosti u općoj upotrebi broj: 01/1-31-

1489/13

9. Prijedlog Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići
10. Prijedlog Odluke o najboljoj ponudi za prodaju jednoiposobnog stana u Ul.126. Ilijaške brigade br. 3 u Ilijašu
11. Prijedlog Odluke o najboljoj ponudi za prodaju garaže u Ul. 126. Ilijaške brigade br. 10 u Ilijašu
12. Prijedlog rješenja o:
 - a) razrješenju zamjenika predsjednika Drugostepene stručne komisije
 - b) izboru zamjenika predsjednika Drugostepene stručne komisije
13. Prijedlog rješenja o:
 - a) razrješenju člana Komisije za zdravstvo, informisanje, socijalna i vjerska pitanja
 - b) izboru člana Komisije za zdravstvo, informisanje, socijalna i vjerska pitanja
14. Prijedlog rješenja o:
 - a) razrješenju člana Drugostepene stručne komisije
 - b) izboru člana Drugostepene stručne komisije
15. Prijedlog rješenja iz imovinsko-pravne oblasti:
 - a) broj: 06/1-31-2236/13 od 11. 09. 2013. godine
 - b) broj: 06/1-31-2237/13 od 16. 09. 2013. godine
 - c) broj: 06/1-31-2238/13 od 13. 09. 2013. godine
 - d) broj: 06/1-31-2636/13 od 29. 08. 2013. godine
 - e) broj: 06/1-31-2845/13 od 17. 09. 2013. godine
 - f) broj: 06/1-31-462/13 od 10. 09. 2013. godine
 - g) broj: 06-31-2787/07 od 13. 09. 2013. godine
 - h) broj: 06/1-31-2610/13 od 13. 09. 2013. godine
16. Prijedlog saglasnosti broj: 06/1-31-1278/13 od 10. 09. 2013. godine.
17. Izvještaj o realizaciji Manifestacije kulture, sporta i trgovine "Ilijaški dani 2013"
18. Prijedlog Odluke o utrošku dobiti Manifestacije kulture, sporta i trgovine "Ilijaški dani 2013".

AD-1

Vijećnička pitanja i inicijative

ALAN ŠERAK – vijećnik SDP-a

Pitanja:

1. Zašto do sada nije realizovano rješenje broj:04-31-2293/00 izdato dana 29. 01. 2001. godine, a odnosi se na uzurpaciju puta u naselju Popovići?
2. Zašto do sada nije završen put prema naselju Bioča koji je započet prošle godine? Ima li nadležna općinska služba saznanja da će doći do nastavka radova u tekućoj godini?

ENES DIZDAREVIĆ – vijećnik SDU

Inicijative:

1. Pokrećem inicijativu za punkt hitne službe u Ilijašu sa radnim vremenom non-stop.

Obrazloženje: Blizina autoputa, udesi, i to što Općina Ilijaš nije u mogućnosti pokriti sa jednim vozilom sve potrebe hitne pomoći za građane Ilijaša.

2. Pokrećem inicijativu shodno zaključku sa 8. sjednice OV-a Ilijaš održane 28. 06. 2013. godine, a tiče se problema u oblasti zdravstva na području općine Ilijaš i sazivanje tematske sjednice OV-a Ilijaš.

Shodno Poslovniku OV-a Ilijaš, podnosim inicijativu da Općinski načelnik i Kolegij OV-a Ilijaš sazovu tematsku sjednicu u narednom periodu, te predlažem da OV-e istu stavi na glasanje i usvoji kao zaključak.

Predsjedavajući je dao na glasanje prijedlog, a OV-e je sa 22 glasa ZA i 1 UZDRŽANIM odlučilo da podnesena inicijativa postane zaključkom OV-a koji glasi:

ZAKLJUČAK

Zadužuje se Kolegij Općinskog vijeća Ilijaš, da u narednom periodu, u saradnji sa općinskim načelnikom i nadležnim službama, krenu u pripremu tematske sjednice i prikupljanja materijala za istu, a vezano za problematiku zdravstva na području općine Ilijaš.

AKIF BEŠLIJA – vijećnik SBB-a

Pitanje:

1. Tražim od nadležne općinske službe da mi odgovori na slijedeća pitanja:

Šta je sa posipnim materijalom (tampon) deponovanim prije godinu dana na lokaciji Garaže u mjestu Korita, a koji je namjenjen za nasipanje puta za Donja Korita? Zašto se isti već nije upotrijebio namjenski? Obzirom da je pomenuti materijal dovezen pred lokalne izbore 2012. godine, da li se isti čuva za naredne izbore kako bi se to stanovništvo ponovo obmanulo?

SELVER HERIĆ – vijećnik SDP-a

Podsjetio je da nije dobio odgovore na postavljena pitanja na prošloj sjednici OV-a.

Pitanje:

1. Sada postavlja pitanje menadžementu JP "Sarajevo-šume". Želim ih upoznati da će 10. oktobra ove godine biti održan sastanak Savjeta MZ Srednje i na tom sastanku će biti donesena odluka da se blokiraju svi putevi izvoza drvnih sortimenata na tom području iz razloga što mnoge godine koje su prošle to preduzeće nije ništa uradilo na pomenutom području odnosno nije vraćeno kroz izvoz i sječu našeg dobra, a možda su ulagali na drugim općinama, a mi znamo da jesu. Neke općine su dale 1%, za pet zadnjih godina dale su milion iz svojih šuma, a kroz projekte im je vraćeno 8 miliona što mi ne opravdavamo i stoga ćemo donijeti odluku da blokiramo sve puteve.

Njihov odgovor neće biti dobar ako budem morao čekati do naredne sjednice OV-a. Molim nadležnu službu da obavjesti Sarajevo-šume da nam pošalju odgovor Savjetu MZ-e, jer nije pošteno ovo što čine.

Prošle godine smo sklopili ugovor da poslije izvoza na području Visojevica poprave put, ali nikada to nisu uradili.

Put za Stomorine su nešto počeli, ali nisu dovršili, godinama čekamo da se završi dio puta

u Medojevićima i stoga smo se odlučili na ovakav korak, jer mi više nećemo dozvoliti da se sjeku naše šume, a da ništa ne ulažu na tom području.

ADEM EFENDIĆ – pozvao je na otvaranje džamije u Podlugovima 29. septembra 2013. godine u 11:30h.

HASANOVIĆ FAHIR – vijećnik SDA

Inicijativa:

1. Pokrećem inicijativu prema 5. policijskoj upravi – Policijska stanica Ilijaš da se na području MZ Dragoradi, Gajevi, Kamenica i Srednje, u noćnim satima uvede dežura policijske patrole (na lokalnim putevima lijevo i desno od magistralnog puta Sarajevo-Tuzla).

Obrazloženje: U posljednjih nekoliko mjeseci došlo je do učestalih krađa težeg oblika kao i razbojništva.

Pitanje:

1. Koliko je aktera krađa i razbojništva otkriveno u posljednja tri mjeseca na gore pomenutom području?

MUHAMED HANDŽIĆ – vijećnik BPS-a

Pitanje:

1. Šta je sa nastavkom izgradnje puta za Bioču?

Obrazloženje: Navedena dionica puta započeta je sa izgradnjom 2010. godine, nastavljena 2012. godine i do danas nikada nije završena njena rekonstrukcija.

Također je bitno napomenuti da je dionica koja je prošle godine dijelom izgrađena (samo prvi sloj od 6 cm) već vidno propala na više mjesta, te ako dočeka i ovu zimu nezavršena, postaje upitna za daljnju upotrebu.

Inicijativa:

1. Da se odluka kojom je ukinut jednodnevni topli obrok za prisutne na sjednici Općinskog vijeća stavi van snage, te da se od naredne sjednice počne sa podjelom toplih obroka u kafe kuhinji ove općine.

Obrazloženje: Evidentno je da se u vrijeme pauze za objedovanje, veliki broj vijećnika i drugih učesnika sjednice ne vraća u salu Općinskog vijeća ili kasni i do sat na sjednicu, s tim u vezi je neophodno promijeniti tu praksu i vratiti se na prethodni način objedovanja.

Također je bitno napomenuti da se sredstvima koja su do sada ostajala neutrošena u ove svrhe nije ništa poboljšalo stanje i uslovi u kojima radi ovo Općinsko vijeće.

Molim da se ova inicijativa stavi na glasanje, te da se vijećnici izjasne o istoj.

NIJAZ RASTODER – vijećnik LDS-a

Pitanja:

1. Da li je za popis građana i imovine, pri odabiru popisivača iz reda bošnjačkog naroda bio kriterij da pripadaju samo SDA stranci?

2. Kako i po kojem pravilniku je došlo do toga da nam Kantonalno vijeće roditelja bira članove Školskog odbora u Starom Ilijašu?

BESIM GLJIVA – vijećnik Stranke za Srednje

Pitanje:

1. Da li su JP "Sarajevo-šume" uplatile sva dugovanja prema Općini Ilijaš i koliki je dio sredstava koji je ostvaren od strane navedenog preduzeća uložen na gornji dio područja općine i u koje svrhe?

Inicijativa:

1. Već drugi put pokrećem inicijativu nadležnoj službi da obezbijedi sredstva i angažuje izvođača za premazivanje zaštitnim sredstvom spomen kuće u Gajevima koja je kompletno izrađena od drveta i trenutno je koriste penzioneri za svoje povremene sastanke. Navedeno je potrebno uraditi što prije zbog nadolazeće zime.

AD-2

Izveštaj o realizaciji zaključaka sa 10. sjednice OV-a

Prijavljenih za raspravu po ovoj tački dnevnog reda nije bilo, te je OV-e jednoglasno usvojilo

Izveštaj o realizaciji zaključaka sa 10. sjednice OV-a

AD-3

Izveštaj o izvršenju Budžeta Općine Ilijaš za period 01. 01 - 30. 06. 2013.godine

Merima Osmanović - U skladu sa odredbama člana 31. Odluke o izvršavanju Budžeta općine Ilijaš za 2013. godinu, Općinski načelnik je obavezan dostaviti Općinskom vijeću Izveštaj o izvršenju Budžeta Općine za period 01.01. do 30. 06. 2013. godine. U skladu sa navedenim odredbama Služba za privredu, finansije i investicije je pripremila navedeni izveštaj.

Osnovni elementi koji su sadržani u Izveštaju su: prikaz planiranih i ostvarenih prihoda za navedeni period, prikaz planiranih i ostvarenih izdataka za navedeni period i objašnjenje pojedinih stavki iz Budžeta. Izveštaj sadrži uporedne pokazatelje ostvarenih veličina tekuće godine sa ostvarenim veličinama iz prethodne godine i planiranim veličinama tekuće godine.

Iz općeg dijela Izveštaja je vidljivo da je Budžet Općine Ilijaš za navedeni period ostvario 3.519.715,00 KM prihoda i primitka, što je 37% od planiranih prihoda u Budžeta za 2013. godinu. Sa druge strane, ostvareni su izdaci u iznosu od 3.702.056,00 KM, što predstavlja 39% od planiranih izdataka u Budžetu za 2013. godinu. Prema tome, ostvaren je deficit u iznosu od 182.341,00 KM.

Porezni prihod od ukupno ostvarenih prihoda u izveštajnom periodu ostvareni su u procentu od 61% ili 544.656,00 KM. U ukupnoj strukturi ovih prihoda najveći prihodi su ostvareni po osnovu poreza na imovinu, kao i poreza na promet nepokretnosti.

Što se tiče neporeznih prihoda, u odnosu na ukupne prihode ostvareni su u procentu od 45% ili 825.798,00 KM. U ukupnoj strukturi ovih prihoda najveći prihodi su ostvareni po osnovu komunalnih taksi, te prihodi po osnovu naknada za izgradnju i uređenje građevinskog zemljišta i prihoda od pružanja javnih usluga.

U ukupnoj strukturi prihoda prihodi ostvareni po osnovu tekućih transfera Kantona iznose 34% u odnosu na plan. Tekući grantovi od Kantona su podijeljeni u dvije grupe:

1. Redovni tekući transferi koji su iznosili 1.175.700,00 KM.
2. Transferi za posebne namjene u iznosu od 470.314,00 KM

U strukturi ovih namjenskih prihoda evidentirani su prihodi i to: prihodi od Ministarstva za boračka pitanja za boračku populaciju po osnovu Zakona o dopunskim pravima boraca u iznosu od 114.960,00 KM, prihodi od Ministarstva obrazovanja, nauku i mlade Kantona Sarajevo u iznosu od 320.943,00 KM, a odnose se na subvencioniranje prevoza učenika osnovnih i srednjih škola, prihodi Ministarstva zdrastva Kantona Sarajevo, a odnose se na prihode za izgradnju ambulante Mrakovo u iznosu od 31.911,00 KM i Fond Kantona – za održavanje šehidskih mezarja 2.500,00 KM.

3. Primljeni grantovi od Federacije Federalno ministarstvo prostornog Uređenja – utopljanje vrtića 50.000,00 KM
4. Primljeni grantovi od općina - Općina Centar – sanacija klizišta 20.000,00 KM
5. Tekuće potpore iz inostranstva Sporazum o međusobnoj saradnji – grad STOCHOLM 4.965,00 KM (Centar za lokalni razvoj).

U ukupnoj strukturi prihoda, prihod po osnovu primitaka od prodaje stalnih sredstava su ostvareni u procentu od 40% ili 408.300,00 KM, a odnose se na prihode po osnovu prodaje zemljišta u vlasništvu Općine.

Kada su u pitanju rashodovne strane Bruto plaće i naknade uposlenim, iste su izvršene u iznosu od 746.305,00 KM i što predstavlja 48 % planiranih sredstava na godišnjem nivou. Doprinosi poslodavca izvršeni su u iznosu od 66.103, 00 KM i u okviru su planiranih sredstava na godišnjem nivou.

Izdaci za materijal i usluge izvršeni su u iznosu od 401.976,00 KM što je 47 % planiranih sredstava na godišnjem nivou. Struktura ove grupe izdataka je analitički prikazana u “posebnom dijelu” Izvještaja i nema značajnih odstupanja i oscilacija u odnosu na plan Budžeta za 2013. godinu.

Što se tiče pozicije tekući transferi, evidentirani su izdaci u iznosu od 965.076,00 KM, te procentualno iznosi 44% od planiranih izdataka ove vrste na godišnjem nivou, a u odnosu na isti period prošle godine povećan je za 4%.

U obrazloženju Izvještaja detaljno su obrazloženi izdaci za udruženja građana u izvještajnom periodu.

Kapitalni transferi i izdaci su ostvareni u iznosu od 1.498.392,00 KM, što je 33% od planiranog godišnjeg iznosa. U obrazloženju Budžeta detaljno je data analitička struktura ovih izdataka i nisu predmet posebnog obrazlaganja.

Budžetsku rezervu u iznosu od 5.334,00 u izvještajnom periodu čine:

- Pomoći za sanaciju šteta u iznosu od 1.200,00 KM
- izdatak za volontera Bumbulović Anela JU Dom zdravlja Ilijaš 644,00 KM
- učešće KUD Ilijaš na Internacionalnom festivalu folklora u Istanbulu
- sponzorstvo za projekat “Gljive za čistu okolinu”.

Prijavljenih za raspravu po ovoj tački dnevnog reda nije bilo, te je OV-e jednoglasno usvojilo

Izvještaj o izvršenju Budžeta Općine Ilijaš za period 01. 01 - 30. 06. 2013.godine

AD-4

Prijedlog izmjena i dopuna Budžeta Općine Ilijaš za 2013. godinu

Merima Osmanović - U skladu sa odredbama člana 23. stav 3., 4. i 6. Zakona o proračunima – budžetima u Federaciji BiH je propisano da ako prihodi i primici porastu,

odnosno smanje se, može se započeti sa postupcima izmjena i dopuna Budžeta kako bi se ponovno uravnotežili prihodi i primici, odnosno rashodi i izdaci Budžeta. Svaka izmjena i dopuna Budžeta vrši se po istom postupku koji se primjenjuje i kod usvajanja Budžeta.

Kako je došlo do promjena u izvršenju prihoda i primitaka, odnosno rashoda i izdataka u odnosu na Plan Budžeta Općine Ilijaš za 2013. godinu, kao i procjena izvršenja do kraja budžetske godine neophodno je bilo izvršiti uravnoteženje prihoda i rashoda Budžeta, odnosno donijeti Izmjene i dopune Budžeta da bi se rashodi i izdaci doveli na nivo raspoloživih prihoda i primitaka.

OBRAZLOŽENJE POJEDINIH RJEŠENJA

Prihodi i primici

Izmjenama i dopunama Budžeta Općine Ilijaš za 2013. godinu utvrđen je ukupan prihod od 9.970.800 KM što u odnosu na osnovni plan predstavlja povećanje od 6% ili 559.000 KM.

Porezni prihodi koji pripadaju općinama, izmjenama i dopunama planirani su u iznosu od 1.199.000 KM i u ukupnoj strukturi projekcije prihoda učestvuju sa 12,03%. U okviru ove pozicije očekivano je povećanje na poziciji prihoda po osnovu Poreza na imovinu i to za 50% u odnosu na planirana sredstva. Rezultat povećanja ove stavke se bazira na prodaji privrednog društva za proizvodnju i promet namještaja "Udobnost" doo što će rezultirati kroz povećanje poreza na promet nepokretnosti i prava. Isto tako pokrenut je postupak popisa novo sagrađenih objekata za odmor (vikendica) na području općine Ilijaš što bi do kraja godine u konačnici rezultiralo povećanjem prihoda po osnovu poreza na imovinu.

Neporezni prihodi planirani su iznosu od 1.729,500 KM i u ukupnoj strukturi projekcije prihoda učestvuju sa 17,35%. U odnosu na Plan Budžeta ovi prihodi su manji za 6%, a prije svega kao posljedica smanjenja prihoda po osnovu naknade za korištenje prirodnih bogatstava (tj. Općinski načelnik je potpisao sporazum sa KJP "Sarajevo-šume" za izmirenja duga iz 2011. godine po osnovu naknade za korištenje državnih šuma.

U strukturi projekcije prihoda po osnovu grantova drugih nivoa vlasti ovim Izmjenama i dopunama Budžeta planirano je povećanje za 6 % u odnosu na plan ili 323.000 KM, a navedeno povećanje odnosi se na povećanje prihoda od strane Kantona za rekonstrukcije i izgradnju putnih komunikacija, a odnosi se na očekivani transfer od 200.000 KM putem Uprave za šumarstvo KS, kao i odobrenih sredstava za naknadu šteta po osnovu elementarnih nepogoda (90.000 KM) koje je odobrio Štab CZ Kantona Sarajevo iz sredstava zaštite i spašavanja.

Planirana struktura grantova iz Budžeta Kantona za posebne namjene data je i kroz obrazloženje.

Posebno se izdvajaju stavke: uređenje vodotoka (Misoča i Ljubina) 380.000 KM, nabavka zemljišta u industrijskoj zoni Luka 380.000 KM, prihodi od općina Centar i Ilidža (greška Novi grad) kao i prihodi od Federalnog zavoda za statistiku u iznosu od 7.000 KM (a odnose se na materijalne troškove popisa koji slijedi).

Rashodi i izdaci

Ukupno procijenjeni rashodi i izdaci u prijedlogu Izmjena i dopuna Budžeta za 2013. godinu iznose 9.970.800 KM, što je za 6% više u odnosu na osnovni plan:

Kada je u pitanju struktura rashoda i izdataka imamo slijedeće:

Plate , naknade i doprinosi

Plate, naknade i doprinosi iznose 1.710.000 KM i zadržani su na nivou osnovnog plana, dakle nije došlo do povećanja.

Izdaci za materijal i usluge

Na ovoj poziciji ukupni Izdaci za materijal i usluge budžetskih korisnika Jedinog općinskog organa uprave i Općinskog vijeća planirani su u iznosu od 886.300 KM odnosno za 4% više u odnosu na plan. Povećanje ove pozicije u odnosu na osnovni plan je rezultat provođenja popisa i prikupljanja podataka za provedbu Odluke o korištenju građevinskog zemljišta, kao i provođenja Sporazuma o podršci i provođenju projekta masovne sterilizacije i kastracije pasa općine Ilijaš i Fondacije Dogs Trust, te neznatno povećanje na poziciji naknade vijećničkih paušala.

Tekući transferi

Tekući transferi u okviru Izmjena i dopuna Budžeta projicirani su u iznosu od 2.583.700 KM i u odnosu na osnovni plan planirano je povećanje za 17%. Planirano povećanje se prvenstveno odnosi na transfere za posebne namjene elementarne nepogode po osnovu odobrenih sredstava za naknadu šteta od elementarnih nepogoda (za 90.000 KM), koje je odobrio Štab CZ Kantona Sarajevo iz sredstava zaštite i spašavanja, kao i povećanje na poziciji izvršenje sudskih presuda i rješenja o izvršenju, koja se odnosi na pravosnažnu presudu za kupljeno zemljište na Banovcu čiji su vlasnici bili Mijići.

Kapitalni transferi i kapitalni izdaci

Kapitalni transferi i kapitalni izdaci su planirani u ukupnom iznosu od 4.736.700 KM. Ovaj dio Budžeta se pokriva iz sredstava Kantona za posebne namjene u iznosu od 1.688.000 KM i odobrenih sredstava ostalih nivoa vlasti u iznosu od 344.000,00 KM, a preostali dio iz izvornih sredstava Općine Ilijaš u iznosu od 2.704.000 KM. Povećanje se odnosi na planirana sredstva kao učešće Općine Ilijaš u projektu utopljanja objekta škole u Podlugovima u iznosu od 36.500 KM. Projekat će se realizovati zajedničkim sredstvima sa Federalnim ministarstvom prostornog uređenja. U okviru ove pozicije imamo povećanje na poziciji "vjerski objekti" za 25.000 KM i to: sredstva u iznosu od 15.000 KM za završetak uređenja harema džamije u Podlugovima i 10.000 KM za uređenja harema džamiju u Starom Ilijašu. Također su planirana sredstva u saradnji sa fondom memorijala za Ilijaš – za spomen obilježje Bioča u iznosu od 45.000 KM.

Kapitalni transferi ostalim JP - planirana su sredstva JKP "Vodostan" Ilijaš u iznosu od 12.000 KM, a odnose se na rekonstrukciju lokalnih vodovoda Gajevi, Spahin Han i Medojevići.

Budžetska pozicija nabavka zemljišta zadržana je u okviru sredstava iz osnovnog plana, ali je u okviru iste došlo do unutrašnje preraspodjele sredstava (povećana je pozicija nabavka zemljišta za Industrijsku zonu Luka, dok su pozicije nabavka zemljišta Stari Ilijaš i

vodozahvat Vrutak prebačeni kao projekti u 2014. godini)

U okviru pozicije "izgradnja objekata" došlo je do povećanja na pozicijama ambulanata, ured MZ i planinarski dom Krivajevići, a u cilju završetka ovih projekata. Sredstva za izgradnju objekat gradske pijace su skinuta, obzirom da se ne očekuje realizacija ovog projekata u 2013. godini.

U okviru pozicije "rekonstrukcije i investiciono održavanje" došlo je do povećanja za 8%. U okviru ove pozicije analitički je došlo do povećanja na poziciji izgradnja pješačke zone "Centar", a u cilju završetka projekta, kao i na poziciji "rekonstrukcije i izgradnja puteva" za cca 100.000,00 KM, a kompletna struktura ove pozicije je vidljiva u okviru Plana razvojnih programa.

Na kraju zahvaljujem se na pažnji, te predlažem Općinskom vijeću Ilijaš da donesu Izmjene i dopune Budžeta Općine Ilijaš za 2013. godinu.

Predsjedavajući je naglasio da je uloženi amandman sastavni dio prijedloga Izmjena i dopuna Budžeta Općine Ilijaš za 2013. godinu.

Adem Efendić – "Mi u SBB-u smo upozoravali na manjkavosti budžeta koje se vide kroz ovaj rebalans. Izdvojiti ću jedno pitanje. Kada je u pitanju izvršenje sudskih presuda i rješenje o izvršenju, povećanje se planira za 600%, sa planiranih 70000 na 420.000. Neka neko pojasni o čemu se radi".

Na prijedlog vijećnika Selvera Herića predsjedavajući je dao pauzu (10:50h).

Nastavak sjednice u 11:00h.

Nakon pauze, za riječ se javio općinski načelnik Akif Fazlić da kaže par rečenica o rebalansu budžeta i dao odgovor na pitanje vijećnika Adema Efendića.

"Možda djeluje ambiciozno rebalans budžeta, ali znam da ćemo na kraju godine najvjerovatnije biti u deficitu zbog realizacije kantonalnih i federalnih budžeta. Mnogo naših pozicija je vezano za te budžete, a ušli smo u realizaciju projekata koji se finansiraju iz tih budžeta i ući ćemo u realizaciju i zadnjeg projekta, zadnje konvertibilne marke koja je u tim budžetima i to ćemo morati iskazati kao trošak-rashod. Ja pouzdano znam da nećemo dobiti sve novce u ovoj godini iz ovih budžeta i onda ćemo imati i manji prihod, ali će to teretiti obaveze budžeta i kantona i federacije i te novce ćemo dobiti sigurno u idućoj godini. Dakle, mi biramo put da se realizuju projekti onako kako smo se i dogovorili. Iz polugodišnjeg izvještaja ste mogli vidjeti realizaciju i ja sam zadovoljan, a želim vas informisati da smo u ponedjeljak otvorili tender za izgradnju mosta i pristupnog puta za industrijsku zonu "Luka". Nadam se da ćemo vrlo brzo potpisati ugovor i da će realizacija otpočeti za 20-tak dana.

Aktivnostima prema Federalnom ministarstvu saobraćaja, prometa i komunikacija pripremamo sa predsjedavajućim OV-a. Naš zahtjev koji će biti prosljeđen i trebali bi obezbijediti 80.000,00 KM preko ovog ministarstva za putnu mrežu.

Što se tiče pitanja vijećnika Adema Efendića, odnosi se na presudu za korištenje zemljište na Banovcu za period u kom je to zemljište bilo vlasništvo ljudi koji su pokrenuli upravni spor. Taj spor se vodi, mislim tri godine, i predložili smo u rebalansu da imamo poziciju da vidimo kako to riješiti, skinuti nešto što nas opterećava.

Prijavljenih za raspravu po ovoj tački dnevnog reda više nije bilo, te je OV-e sa 23 glasa ZA i 1 UZDRŽANIM usvojilo

Izmjene i dopune Budžeta Općine Ilijaš za 2013. godinu

AD-5

Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2013/2014. godini

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2013/2014. godini

AD-6

Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2013/2014. godini

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Plan stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2013/2014. godini

AD-7

Prijedlog Odluke o sufinansiranju projekta deminiranja Brezik 5

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Odluku o sufinansiranju projekta deminiranja Brezik 5

AD-8

Prijedlog Odluke o prestanku statusa nepokretnosti u općoj upotrebi broj:01/1-31-1489/13

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Odluku o prestanku statusa nepokretnosti u općoj upotrebi broj:01/1-31-1489/13

AD-9

Prijedlog Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići

Meliha Avdibegović – Oluka o određivanju novog građevinskog zemljišta omogućava nastavak zakonom propisane procedure realizacije i izgradnje novog vikend naselja karaktera rezidencijalno-rekreativnog na lokalitetu Popovića udaljenom 19 km od centra Sarajeva, a 10 km između Ilijaša i lokacije. Radi se o obuhvatu površine od 115.335 m² na kojoj je predviđena izgradnja:

- vikend objekt površine cca 52.000 m²,
- javni objekt površine cca 1.300 m²
- sport i rekreacija površine cca 38.975 m²,
- kolske saobraćajnice sa trotoarima u površini cca 5.700 m².

Svakako ovom realizacijom stvaramo poboljšanje budžeta općine za 2014. godinu, kroz naplatu rente, a infrastrukturno i ekonomsko poboljšanje predmetnog lokaliteta. Pravni osnov za donošenje odluke je član 23. Odluke o provođenju Prostornog plana i član 56. Zakona o prostornom uređenju. Komisija za Statut i propise nije imala primjedbi.

Nijaz Rastoder – Mislim da je bilo dobro da se o ovome razgovaralo u lokalnoj zajednici – Popovićima. Da nam se ne desi nešto slično kao sa grobljem, tj. da mi donesemo odluku, a onda ljudi kažu da to neće moći tako.

Akif Fazlić (općinski načelnik) – Želim reći da je ovo jedna od prvih pozicija koja je vezana za MZ Mrakovo, odnosno naselje Popovići, ali vrlo brzo ćemo imati ovakvu vrstu prijedloga i za MZ Bioča i MZ Luka. Generalno, mi cijenimo ovo kao razvojne projekte. Ovi projekti po meni i po nama treba da pridonesu bržem i daljem razvoju tih mjesnih zajednica gdje će se realizirati. Ta naselja će dati jedan novi imidž Općini.

Prijavljenih za raspravu po ovoj tački dnevnog reda više nije bilo, te je OV-e sa 22 glasa ZA i 1 UZDRŽANIM donijelo

Odluku o utvrđivanju novog građevinskog zemljišta i plana parcelacije za izgradnju apartmanskog naselja Popovići

AD-10

Prijedlog Odluke o najboljoj ponudi za prodaju jednoiposobnog stana u Ul. 126. Ilijaške brigade br. 3 u Ilijašu

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Odluku o najboljoj ponudi za prodaju jednoiposobnog stana u Ul. 126. Ilijaške brigade br. 3. u Ilijašu

AD-11

Prijedlog Odluke o najboljoj ponudi za prodaju garaže u Ul. 126. Ilijaške brigade br. 10 u Ilijašu

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Odluku o najboljoj ponudi za prodaju garaže u Ul. 126. Ilijaške brigade br. 10 u Ilijašu

AD-12

Prijedlog rješenja o:

- a) razrješenju zamjenika predsjednika Drugostepene stručne komisije
- b) izboru zamjenika predsjednika Drugostepene stručne komisije

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Rješenje o:

- a) razrješenju zamjenika predsjednika Drugostepene stručne komisije
- b) izboru zamjenika predsjednika Drugostepene stručne komisije

AD-13

Prijedlog rješenja o:

- a) razrješenju člana Komisije za zdravstvo, informisanje, socijalna i vjerska pitanja
- b) izboru člana Komisije za zdravstvo, informisanje, socijalna i vjerska pitanja

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Rješenje o:

- a) razrješenju člana Komisije za zdravstvo, informisanje, socijalna i vjerska pitanja
- b) izboru člana Komisije za zdravstvo, informisanje, socijalna i vjerska pitanja

AD-14

Prijedlog rješenja o:

- a) razrješenju člana Drugostepene stručne komisije
- b) izboru člana Drugostepene stručne komisije

Prijavljenih za raspravu po ovoj tački dnevnog reda nije bilo, te je OV-e jednoglasno donijelo

Rješenje o:

- a) razrješenju člana Drugostepene stručne komisije
- b) izboru člana Drugostepene stručne komisije

AD-15

Prijedlog rješenja iz imovinsko-pravne oblasti:

- a) broj: 06/1-31-2236/13 od 11. 09. 2013. godine
- b) broj: 06/1-31-2237/13 od 16. 09. 2013. godine
- c) broj: 06/1-31-2238/13 od 13. 09. 2013. godine
- d) broj: 06/1-31-2636/13 od 29. 08. 2013. godine
- e) broj: 06/1-31-2845/13 od 17. 09. 2013. godine
- f) broj: 06/1-31-462/13 od 10. 09. 2013. godine
- g) broj: 06-31-2787/07 od 13. 09. 2013. godine
- h) broj: 06/1-31-2610/13 od 13. 09. 2013. godine

Prijavljenih za raspravu po ovoj tački dnevnog reda nije bilo, te je OV-e sa 23 glasa ZA i 1 UZDRŽANIM donijelo

Rješenja iz imovinsko-pravne oblasti:

- a) broj: 06/1-31-2236/13 od 11. 09. 2013. godine
- b) broj: 06/1-31-2237/13 od 16. 09. 2013. godine
- c) broj: 06/1-31-2238/13 od 13. 09. 2013. godine
- d) broj: 06/1-31-2636/13 od 29. 08. 2013. godine
- e) broj: 06/1-31-2845/13 od 17. 09. 2013. godine
- f) broj: 06/1-31-462/13 od 10. 09. 2013. godine
- g) broj: 06-31-2787/07 od 13. 09. 2013. godine
- h) broj: 06/1-31-2610/13 od 13. 09. 2013. godine

AD-16

Prijedlog Saglasnosti broj: 06/1-31-1278/13 od 10. 09. 2013. godine

Prijavljenih za raspravu po ovoj tački dnevnog reda nije bilo, te je OV-e jednoglasno dalo

Saglasnost broj: 06/1-31-1278/13 od 10. 09. 2013. godine

Na zahtjev vijećnika Adema Efendića uslijedila je kratka pauza (11:30h).

Nastavak 11:40h.

AD-17

Izvještaj o realizaciji Manifestacije kulture, sporta i trgovine "Ilijaški dani 2013"

Sanja Zagorac-Jozić – "Mislim da je ova manifestacija uspješno organizovana. Građani sa kojima sam razgovarala kazali su da manifestacija poprima oblik kakav bi oni željeli da bude. U izvještaju ste vidjeli da je dobit manifestacije 4.000 KM.

Organizacioni odbor je usvojio ovaj izvještaj i predložio konkretne zaključke da bio OV-e trebalo razmišljati o tome da ovaj dio trgovine više ne bude primarni, nego da se plato izda za jedan zabavni park koji svake godine donosi finansijski efekat u iznosu od 6-6500 KM, a da bi Općina trebala značajnije podržati ovu manifestaciju i da se time obezbjeđe sredstva za promociju kulturnih i sportskih sadržaja.

Muhamed Handžić – "Bio sam član organizacionog odbora i predsjednik komisije za provođenje naplate za tezge i moram reći ono što sam uočio. Iz ovoga treba izvući pouku kako bismo poboljšali stanje za naredni period. Pješačka zona je opravdala svoje postojanje u potpunosti, dobila je svoju svrhu, svoju dimenziju i ono što je Sanja kazala da je narod dao pozitivne komentare i mislim da je najviše zahvalnosti pripalo pješačkoj zoni.

Što se tiče naplate i provođenja ovog svega, ovo je bilo jedna lakrdija i katastrofa. Organizacioni odbor ove manifestacije za naredni period morat će se ozbiljnije pozabaviti ovom stavkom. Nije se pristupilo organizovanoj i sistematskoj naplati ovih prostora, nije bilo dovoljno podrške od onih od kojih se očekivalo, prije svega mislim na komunalnog inspektora općine Ilijaš. Nismo imali modus kako ljudima naplatiti prostor koji su uzurpirali za tezge. Tražili smo asistenciju policije koji su kršili svoja ovlaštenja i pomagali nam da istrajemo. Međutim, ljudi znaju šta im je raditi. Najviše je zakazala inspektorska služba Općine. Ove cifre koje su navedene u samoj naplati ne bi izgledale tolike da mi nismo uložili maksimum napora (komisija za naplatu) da se to tako desi. Drugi dan ove manifestacije naplata je bila 1200 KM, a na kraju cca 7000 KM. Ta naplata se trebala vršiti na neki drugi način, a ne na licu mjesta. Dalje, mi finansiramo i sportske kolektive, kulturno-umjetnička društva i druga društva koja su na Budžetu Općine Ilijaš. Kada smo pravili koncept održavanja Manifestacije "Ilijaški dani", većina onih kojima se nije dodatno platilo njihovo učešće nisu htjeli učestvovati u ovoj manifestaciji i treba razmisliti o njihovom daljem finansiranju.

Koncept ove manifestacije ubuduće, po mom mišljenju i mišljenju drugih ljudi iz organizacionog odbora, treba mijenjati. Mi nemamo toliko koristi od trgovine i po nama kultura i sport bi bili sadržaji ove manifestacije. Trgovinu treba izbjeći, jer nemamo modusa za adekvatnu naplatu, niti imamo ikakve koristi od te trgovine.

Što se tiče samog izvještaja, ovdje ima dosta stvari koje ni meni samom nisu jasne.

~ Potrošnja goriva 723,00 KM (nije obrazloženo gdje je potrošeno gorivo, ko je potrošio gorivo i u koje svrhe).

- ~ Sredstva za reparaciju opreme 2032,00 KM (kakva oprema)
- ~ razvođenje struje na prostoru od 300 m² 3850,00 KM (neka se i to obrazloži).

Ovdje moram reći da dio organizacionog odbora uopšte nije sklapao niti vidio ove ugovore. Ko je sklapao ugovore neka podnosi račune. Znači, sve ovo bi trebao da obrazloži onaj ko je sklapao ugovore, ali nažalost on danas nije prisutan na sjednici i ne bih komentarisao".

Nedim Matoruga – "Ova pitanja koje je postavio kolega Handžić i mene interesuju i ja isto želim čuti odgovore na ove stvari. Izlažući njegove stavove kazao je da se koncept mora mijenjati, ali on je već promjenjen i mislim da je on ove godine bio zadovoljavajući i da ne treba trgovinu ukidati, ali imat ćemo priliku o tome razgovarati. Trgovina ipak privlači određeni broj ljudi, a interes nam je da imamo što veći broj ljudi na toj manifestaciji.

Vezano za nespremnost određenih udruženja da učestvuju na ovoj manifestaciji, ipak moramo imati u vidu da i udruženja koja se finansiraju imaju ograničen budžet. Ukoliko imaju ograničene budžete i stvaramo im dodatne obaveze to predstavlja njima problem u njihovom redovnom radu. To trebamo razumjeti i tražiti modus kako to riješiti".

Nijaz Rastoder – "Nemam primjedbe na finansijski dio izvještaja, ali imamo jedan problem koji je ove godine bio najteži svih ovih godina. Naime, ne mogu biti postavljeni šatori u blizini džamije. Ovo bi trebao biti i zaključak i o ovome u budućnosti voditi računa".

Akif Bešlija – "S obzirom da sam bio član organizacionog odbora iz reda vijećnika i bio član komisije za pomoć i naplatu placeva za vrijeme ove manifestacije imam potrebu da kažem par stvari, da vas upoznam sa stvarima sa kojima ja nisam zadovoljan.

Kada je u pitanju finansijski izvještaj, na prvom sastanku smo vratili izvještaj na doradu sa dodatnim obrazloženjima i zadužili smo lice koje će kontrolisati određene ugovore, fakture i to nije predočeno tom licu, a ja kao član organizacionog odbora nisam dobio materijal po novom od strane predsjednika niti sam bio pozvan na tu sjednicu. Ono što možda kolega Handžić nije iznio ja ću dodati.

Obezbjedenje manifestacije 563,00 KM - mi smo se na prvom sastanku, a i odlukom Vijeća, dogovoreno je da se neće plaćati aktivnosti vezano za članove organizacionog odbora - nikakve naknade. Ovdje u obrazloženju stoji da su dva uposlenika KSC-a dobila naknadu.

Reprezentacija – kao članovi organizacionog odbora koji smo dali učešće od ove reprezentacije nismo dobili ni kafu. Tražili smo pojašnjenje i ne znam da li je stiglo, jer nisam bio na sjednici kada je trebao stići odgovor.

Ozvučenje 362,00 KM-Mirsad Pajić, a koliko znam da ozvučenje općina ima i nema potrebe da se to plaća i mislim da je ovo smiješno da se plaća.

Prvom kontrolom naplate, a takođe i drugom kontrolom naplate, sačinili smo izvještaje koje smo prosljedili predsjedniku organizacionog odbora i općinskom inspektor, ali se ništa nije poduzelo, jer se nije uspjelo naplatiti ono što je predviđeno da se naplati. Ne znam iz kojih razloga, ali ni poslije toga nije sazvan organizacioni odbor da nađe modus i da se pomogne u tom dijelu naplate.

Iz stvarnog stanja koje smo zatekli kada je u pitanju trgovina-izdavanje placarine, bilo je toliko prostora zauzeto da se trebalo, od realnog, ukupno izvršiti naplate 23.900,00 KM, a naplaćeno je 7.000,00 KM. Na koji način je vršena naplata (da li po principu prijateljstva, poznanstva, itd.), ne znam. Ne mogu ni vama ni sebi objasniti kako može da jedan čovjek koji prodaje kukuruze, slatkiše i sl. platio 2 m i jedan koji ima šator platio 2 m.

Ono šta mi je još smetalo, jeste da su u novoj ulici bili prodajni štandovi, a mi kao organizacioni odbor nismo bili nadležni da tu regulišemo naplatu, a niko drugi se nije pojavio da to spriječi ili obustavi.

Ova problematika se vjerovatno dešavala i prije i nije mi jasno da se nije mogao napraviti zaključak adekvatne naplate – primoravanja ljudi koji su došli da iznajme prostor da se od njih može naplatiti. Ako nemamo modus nemojmo ovu manifestaciju ni organizovati.

S ovog mjesta ću poručiti, da bi bio ravnopravan prema svima, ako ubuduće ova manifestacija bude organizovana na isti način, da i ovi ljudi koji su plaćali, to ne rade, jer nema načina da se primoraju da vrše plaćanje.

Ovo sam iznio obzirom da sam bio član organizacionog odbora, da bilo kakve netačne informacije koje su date u izvještaju, nisam učestvovao i da ogradim sebe.

Prijavljenih za diskusiju po ovoj tački dnevnog reda više nije bilo, te je OV-e

sa 18 glasova ZA i 7 UZDRŽANIH usvojilo

Izvještaj o realizaciji Manifestacije kulture, sporta i trgovine "Ilijaški dani 2013"

AD-18

Prijedlog Odluke o utrošku dobiti Manifestacije kulture, sporta i trgovine "Ilijaški dani 2013"

Prijavljenih za diskusiju po ovoj tački dnevnog reda nije bilo, te je OV-e sa 20 glasova ZA i 5 UZDRŽANIH donijelo

Odluku o utrošku dobiti Manifestacije kulture, sporta i trgovine "Ilijaški dani 2013"

Predsjedavajući Damir Filipović zaključio je 11. sjednicu OV-a u 12:00h.

Akif Fazlić (općinski načelnik) – u svoje lično ime i u ime vlasnika Bingo sistema je pozvao sve prisutne da sutra prisustvuju otvaranju ovog tržnog centra.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ
Damir Filipović, s.r.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov_ilijas@bih.net.ba

